

## Für den Schwindel.

Ein gut bewehrtes Pulver für den Schwindel.

**N**Im Veningenkörner geschelt / Coriander in Essig eingeweicht / Muscatnus / Eichenmistel / jedes ein Lot / Cubeben / Galgant / Langenpfeffer / Imber Tormentillwurk / jedes j. quintlin / Rosmarinkraut ein halb Lot. Des besten Zuckers vij. Lot / stoß diß alles zu Pulver / vnd rade es durch ein enges Sieb / mischs durch einander / daruon nim abends vnd morgens einer Haselnus groß ein.

Oder.

Nim der geschelten Veningenkern / preparierten Coriander / Muscatnus / Eichenmistel / jedes j. Lot / Cubeben j. Lot / Galgant / Langenpfeffer / weissen Imber / jedes j. quintlin / Cardomömlin vnd Tormentillwurk / jedes j. quintlin / Rosmarinzucker j. Lot. Des besten weissen Zuckers vij. Lot / stoß jedes besonder / vnd mischs dann durch einander / daruon nim morgens nächter ein halb Nusschalen vol / je vber den andern oder dritten Tag.

Ein anders.

Nim Wachholderbeer / dörr sie / vnd stoß zu Pulver / thue gestoffen Zucker darunder / ss morgens vnd nachts / allweg einer Haselnus groß daruon. Etilich nemen zu ij. Lot Wachholderbeer j. Lot Ehrenpreis / vnd ein halb Lot Centaurblümlin / vnd brauchens also.

Oder.

Nim Cardomömlin / Cubeben / Coriander / jedes j. quintlin / lego drey mal in Essig / vnd laß allweg wider trucken werden / dann stoß klein / Nim abends vnd morgens so vil man auff ein Messerwis heben kan / auff gebehtem Brot.

Ein Pulver für den Schwindel.

Nim Cubeblin ij. Lot / weissen zucker iij. Lot / stoß klein / misch es

E iij

sches



sche es vnder einander / daruon nim morgens vnd abends / so vil auff einem Groschen ligen kan. Wann du es brauchst / so hale die Nasen zu / das der geruch vom Puluer in das Haupt komme.

Ein anders.

Nim Wolffsbeen zwey theil / vnd Eichenmistel ein theil / zers toß / vnd mischs vnder einander / daruon gib morgens vnd abends / allweg so vil man zwischen drey Fingern heben kan / allwegen zwey Stund vor essens / in schwarz Kirschen vñ Meyenblümlinwasser.

Ein Puluer für den Schwindel.

Nim Rosmarinblust / Lauanderblümlin / Beningenkern / Muscatnus / jedes j. quintlin / Muscatblüt ein halb Lot / Galgant / j. quintlin / Eichenmistel ein halb quintlin / Zucker ij. Lot / mischs vnder einander.

Ein anders.

Nim ij. Muscatnus / vnd gleich so schwer Polen / vnd Zucker / mischs vnder einander / vnd brauchts abends vor dem schlaffen gehen. Magst auch wol gleich vil Cubeben darzu nemen.

Für den Schwindel.

Nim Scuff vnd Hanffsamen / jedes ein Hand vol / zerstoß / baß in Essig / nim der außgetruckten Drie vier oder fünff Tag / alle morgen j. Lot.

Für den Schwindel ein kräftige Triget.

Nim Maioransamen / Nardusamen / Aglysamen / Cardamömlin / Cubeben / Zimmet / Negelin / Eichenmistel / Mastix / jedes ein halb quintlin / Saffran vij. Gran / darzu thue so vil Zucker / biß es nicht mehr reß ist.

Ein Triget für den Schwindel vnd Melancholey.

Rec. Seminis anisi, Foeniculi, carui, añ. vnc. semis, Ameos drach. ij. Zinzib. Cinnamomi, Galangæ, añ. scrup. iij. cum dimidio, Caryophyll. Macis, Cardamomi, añ. grana xv. Zucchari albis.



albi. lib. semis. Fiat tragæa. Von diser Triget soll man abends vnd morgens brauchen / wann man will / doch nicht darauff trincken. Etlich nemen ein guten bratnen Apffel / den schneiden sie zu etlichen stücken / die kehren sie dann in der Triget wol umb / vnd essens. Etlich brauchens mit gebeyten Weckenschnitten / in siessem Wein oder Maluasier gewelchet. Ein jung Mensch aber sols nun also trucken brauchen / ein Löffel wol morgens nüchter.

Ein Larwergen für Hauptwehe vnd Schwindel / auch für kalten Magen.

Nim gute frische / saubere / Weckholderbeer ein halb Pfund / stoß gar klein zu Puluer / thu es in so vil verschäumpts Honigs / daß die Puluer alle woll darein mögen / laß wol mit einander siedden / vnd thue leßlich darzu Galgant / Imber / Negelin / Muscatblut / Cardamömlin / Cubeben / Zimmet / jedes ij. Lot / laß noch ein Wall thun / rührs wol vnder einander / vnd behalts auff.

Confectio D. D. Achillis contra

Vertiginem.

Rec. Specierum diambra. Diamusci dulcis, an. drach. vnam semis, Aromat. ros. drach. j. Nucis muscatae drach. semis, Cubebæ. scrup. j. Rad. & seminis pæoniæ añ. scrup. semis, Pinearum, Pistaciorum, Amygd. dulc. añ. drach. ij. Zucchari in aqua ros. & pæoniæ dissoluti lib. 5. Fiant morselli.

Ein gut Treseney für den Schwindel vnd Siechtag des Hauptes / von Johan Landschaden.

Nim Entz / Fenchel / Cardamömlin / jedes ij. lot / Kümmich / Imber / Muscatblät / Negelin / weissen Senff / Coriander / jedes ein halb lot / Cubeben j. quintlin / Zimmet ein j. quintlin / Muscatnus j. lot / Zucker vi. lot. Stoß jedes besonder gar klein / daß mischs vnder einander / daruon isß morgens vnd nachts j. Nusschalen vol.

Weitter.

Nim Langenpfeffer / Muscatnus / jedes j. quintlin / Staphisagria,



gria, Bertramwurk/jed. ij. scrup. puluere es alles rein / machs mit Honig vnd Wachs zu ein Taiglin/darauff mach kugel in der größe einer Erbis oder Feigbonen: Deren nim bißweilen morgens nüchtern eins oder zwey in ein reins sadins Tüchlin gebunden / in Mund / zerlews wol mit gebucktem Haupt / vnd den Schleim/ so es an sich zeucht/den spreuz offt auß.

Oder.

Nim iiii. oder v. Cubeblin / zerlews sie / vnd halts ein weil im Mund/vnd was für Feuchtigkeit sich im Mund samlet/das sprüz auß vnd auff's letst die Cubeben auch

D. Stockers Triget für den Schwindel.

Nim Rümlich / lege ihn vber nacht in starcken Wein / laß ihn wider trucken/werden/daruon nim j. quintlin Fenchel / Enis/ Anacardi/Rientlin/ jedes ein halb Lot / Yssop / Maioran / Cardo mömlin/Cubeben/Rosmarin/jedes j. quintlin / Galgant Muscat nus / Muscatblüt / jedes ein halb quintlin / Zucker x. Lot. Daruon ist allweg nach der Maalzeit / auff einer schnitten gebeths Brots/ Mag auch ein Confect darauff machen. Es möcht vil nusslicher morgens nüchter/als nach dem essen gebraucht werden.

D. Plieningers Triget für den Schwindel.

Rec. Specierum diagalangæ, Aromatici ros. de ligno aloës añ. drach. j. Cinnamomi drach. js. Galangæ, Caryophyll. Zinzib Cardomomi añ. drach, semis, Coriandri preparati, Santali rub. añ, scrup. j. Zucchari albiß. vnc. v. Fiat tragæa. Daruon soll man auff Beckenschnitten / so gebeht / vnd mit gutem Wein angefeucht seind/essen.

Schwindelaffelin des Churfürsten von Sachsen.

Rec. Specierum dianthos vnc. semis, Diamusci dulcis, Aromatici rosati Gab. añ. drach. vnam, Sacchari albissimi in aqua lauandulæ dissoluti lib. j. fiat confectio in morsellis.



Für den Schwindel,  
Für den Schwindel.

25

Nim Paradissholz j. quintlin / Lauander vnd Rosmarinblüm-  
lin / jedes j. quintlin / Zimmet ij. quintlin / vnd iij. Muscatnus / Zu-  
ckerandi iij. Lot / gefeynten Zucker vj. Lot / tabuliers mit Melissens  
wasser / oder brauchs also trucken / wie du wilt / morgens vnd  
abends.

D. Hans Langen Confect für den Schwindel  
vnd Schlag.

Rec. Specierum Aromatici Caryophyllati drach. sem.  
Galangæ, Xiloaloës, añ. scrup. sem. macis scrup. j. cubeborum  
gran. vj. Caryophill. nucis muscat. añ. drach. semis, Cinnamo-  
ni electi scrup. ij. pincarum purgat. drach. ij. sem. melonis ex-  
corticati scrup. iij. Zucchari in aquis epilepsia, & rosata musca-  
ta dissoluti vnc. vj. fiat confectio in morsellis.

Ein Tranc für den Schwindel / von der von Castel.

Nim Cubeblin / Muscatnus / eingebeistey Coriander / Tor-  
mentillwurz / Rhapontica / jedes j. Lot / Cardomömlin / Eichenmi-  
stel / Muscatblüt / jedes j. quintlin / seuds alles in einer Maß alten  
Weins / so lang als harte Eyer / trinck abends vnd morgens allwe-  
gen ein warmen Trunc daruon.

Ein köstlich bewehrt Wasser für Schwindel / vnd Schlag / auch  
für alle Flüs / die dem Menschen fallen.

Nim Lauanderblumen / edle Salben / Jffop / jedes zwey theil /  
Nauten ein theil / zerhackt / vnd thues in ein newen Hasen / der wol  
vergläst sey / vnd nicht durchschlage / geuß dann des besten weissen  
alten Weins daran / so du haben kanst / verkleib den Hasen wol / vnd  
vergrabe ihn iij. Wochen in ein Keller / folgends distilliers wie an  
der Wasser. Daruon gib dem Schwindeligen / oder dem die Flüs  
fallen / j. Löffel vol: Wen der Schlag berhürt hette / dem gib iij. Löff-  
fel vol.

D

Ein



## Ein bewehrte Kunst für den Schwindel vnd sausen im Kopf.

Von dürren welschen Nüssen / oder Baumnüssen / nim die Kern/legs in ein heiß Wasser / vnd scheels wie Mandel / trückne sie dann wider wol auff einem reinen Pappyr oder Bretlin. Von solchen nim ein Kern in einem Löffel vol Brantienwein / der gut sey / nim es abend vor dem schlaffen gehen in Mund / vnd kewe es sehr lang vnd wol / zuletzt schlünds hinab / vnd is oder trinck nichts dar auff / das thue am morgen auch gleicher gestalt / brauchts also acht tag / abends vnd morgens. Darnach so las ein abend vnd morgen nach / vnd fahedann wider am abend an / wie zuuor / vnd las wider je ein tag darzwischen. Das thue so lang / bis du besserung befindest. Doch ist solche Arzney alten Leuten / als denen auch der Schwindel am mehesten zuscht / fürnämlich zubrauchen.

## Ein gut Wasser für den Schwindel.

Nim newgelegte Eyer / so vil du wilt / nach dem du vil oder wenig machen wilt / legs in den stärcksten Essig x. tag / so verzehret der Essig die härte der Schalen / vnd macht den klar im Ey zu Wasser. Ein löchlin stich darein / vnd las das Wasser herauf / die weil es lauter laufft / auf allen Eyern / behalts in einem saubern Glas. Wann nun ein Mensch den Schwindel hat / so nehe ein weißleinins Luchlin in demselben Eyerwasser / legs dem Menschen vber die Stirnen vnd Schläff / wann es trucken würdt / so nehe es wider / das thue j. Tag iij. oder v. so lang der Schwindel wehret. Es ist gewiß vnd bewehrt.

## Zucker zum Schwindel.

Nim Römischen Kümmich / Coriander / Veningenwurck / dürren Majoran / Enis / Fenchel / jedes ij. Lot / Zucker x. Lot / vnder einander gemischt.



Für den Schwindel.

27

Für den Schwindel.

Nim Tormentillkraut vnd Wurz/ also grün/ so vil du wilt/  
zerstoß/ truck den Saft darauf: Damit bestreich die Schläff mor-  
gends vnd abends: Je röter die Wurz ist/ je besser sie ist.

Ein anders für den Schwindel.

Trag stettigs / tag vnd nacht/ ein rechten berillum auff bloß  
ser Haut. Vnd laß dir ein Laugen machen von Heidnisch-  
wundkraut ij. Lot/ Herzwurzkraut j. Lot/ Braunbetonica j. Lot/  
weiß Schlehdornmüß ij. Lot/ in der Laugen/ so vil man auff ein-  
mal braucht/ gesotten ein halb viertheil stund/ darmit zwaher dir.

Oder.

Seud Erdbeerkraut in einer kaltegegossner Laugen/ so lang/  
biß sich die Laugen daruon entferbt / vnd zwag dir damit. Man  
möchte auch das Erdbeerkraut neben Kümlichstro vnder die  
Aschen in den Kibel oder Sack / dadurch man die Laugen geußt/  
legen/ so wüdt sie desto lieblicher vnd kräftiger.

## Für die fallende Sucht.

Des Churfürsten von Heidelberg Kunst/ für den  
fallenden Sickttag.

**D**eren hab ich viererley vnder schidlich erfahren vnd curiert:  
Der erst kompt auß dem Haupt / vnd wüdt darbey er-  
kennt / daß solcher Krancker gemeinlich zuvor langwirtg  
Hauptwehe / auch bißweilen umblauffen / vnd schwindel des  
Haupts empfunden hat / vnd noch empfündt / ehe dann er fallt:  
Disem hab ich geben eines Pfenninges schwer/ rein gefeilet oder ges-  
malen Gold/ vnd noch so vil / das ist / ij. Pfenning schwer rein abs-  
geribne Perlin/ in ein Löffel vol Wassers/ mit glüendem Gold ges-  
stähelt/ zerriben / vnder des / wann er noch die Kranckheit gehabt  
D ij hat/